


S LO

Afl. 1.25

BRIYANDO FUERTE • TRECIENDO CLARIDAD
DIALUNA 6 MEI 2024

Di Pueblo

**ENSEÑANSA PA EMPLEO
TA CRUCIAL PA YUDA
NOS HOBENNAN DRENTA
MERCADO LABORAL**



WWW.SOLODIPUEBLO.COM



SOLODIPUEBLO@GMAIL.COM

REINA R. CAROLIN ROGA(33) A BIRA E DI 5 VICTIMA DEN TRAFICO



BENNY SEVINGER E AVESTRUZ DI AVP SU PIANAN TA NA CANDELA DEN LUNA DI MEI




E DI TRES EDICION DI WEGANAN ESCOLAR (WE) ARUBA 2024 TA TUMA LUGA DI 1 DI JUNI PA 15 DI JUNI PROXIMO



POLIS A DETENE PERSONA DISFRASA NA ADAM CU A BULA DRENTA CURA DI BISIÑA



3 AUTO ENVOLVI DEN UN ACCIDENTE BANDA DI AZAR NA PALM BEACH



Minister Endy Croes: E DI TRES EDICION DI WEGANAN ESCOLAR (WE) ARUBA 2024 TA TUMA LUGA DI 1 DI JUNI PA 15 DI JUNI PROXIMO



Diabierna atardi, den Conferencia di Prensa di Gobierno di Aruba, Minister Endy Croes a lansa oficialmente e di tres edicion di Weganan Escolar. Presente na e ocasion special aki tabata Parlamentario Sra. Setty Christiaans – Yarzagaray, Sra. Shailiny Tromp - Lee, Sr. Ricky Hoek y Sr. Alvin Molina, directivanan di scol, instructor- y docentenan di deporte y demas invitadonan special.

Weganan Escolar ta un proyecto deportivo di Ministerio di Enseñansa y Deporte y IBiSA. E meta di WE Aruba ta pa promove deporte bou di e alumnonan di scol preparatorio, basico y secundario. Deporte ta fomenta union, alegria y crea amistad. Tambe, ta trece positivismo sin lubida cu e ta sano. “Deporte ta e vehiculo pa hiba bo semper riba e bon caminda y ta crea lider”, Minister Endy Croes a expresa.

Weganan Escolar ta un competencia pa e alumnonan di scol preparatorio, basico y

secundario cu ta competi den diferente disciplina e.o. futbol, volleyball, beach tennis, badminton, “kids athletics”, WE Baile y e aña aki a introduci un categoria nobo, esta WE Mente. E weganan di clasificacion pa Weganan Escolar 2024 a cuminsa na luna di october 2023 y ta finalisa na luna di mei 2024. Un total di 1000 alumno di 42 scol ta participa na Weganan Escolar 2024:

14 scol preparatorio, 20 scol basico y 8 scol secundario. E mandatarid di Deporte a elabora riba diferente premio atractivo cu e scolnan ganado ta ricibi.

E gran apertura di WE Aruba 2024 ta tuma lugar diasabra, 1 di juni na Compleho Deportivo Nadi

Croes y Crismo Angela y ta clausura dia 15 di juni na Joe Laveist Sport Park na San Nicolas. Pues, dos siman di competencia, unda e scolnan lo bataya contra otro pa conquista e titulo maximo. E mandatario di Deporte ta gradici IBiSA y e comision organizado pa realiza un otro competencia deportivo. Tambe, Minister Endy Croes ta gradici Gobierno di Aruba, Lotto pa Deporte, Stichting Sport Subsidie Aruba, AAA y Setar pa haci Weganan Escolar 2024 posibel. Pa ultimo, Minister Endy Croes ta desea tur scol cu ta competi den e campeonato di WE Aruba 2024 hopi exito y ta invita Pueblo di Aruba pa duna sosten y apoyo na nos hobennan.



REINA R. CAROLIN ROGA(33) A BIRA E DI 5 VICTIMA DEN TRAFICO AKI NA ARUBA



Camacuri - Diadomingo mainta den careda di 6'or polis a bay cu urgencia ariba e caminda di Camacuri, unda cu un auto a bolter y e lo tin un persona pega bou di e auto.

Polis cu a yega mesora a bin topa cu un Nissan Cube y berdad tin un persona

bou di e auto. Tawata trata di un dama.

Mesora a pidi pa materiaalwagen y tambe ambulance cu urgencia.

Lamentablemente mucho no por a wordo haci mas, debi cu e chauffeur di e Nissan Cube a fayece.



Di locual nos por a mira na e sitio y tambe locual polis a confirma cu ta su so a perde control. E auto lo tawata biniendo di pabou y a hala bay na su man drechi ranca un borch di trafico pa despues bolter y keda ariba su banda.

E impacto a causa cu e dama a wordo saca di e auto y esaki a cay ariba dje.

Instancia nan concerni a wordo notifica y mesora a cera e caminda principal pa e trabounan di rescate por a cuminsa y asina saca e curpa for di bou di e auto.

Dokter Texier a yega e sitio y pa 7'or y 10 e ta constata morto di Reina R. Carolin Roga naci 22 di september 1990 na Aruba, pues e tawata tin 33 aña.

E ta laga 4 yiu atras. Esaki ta bira e di 5 morto den trafico na Aruba.

ELMAR

Feliz dia di Ascension

En conexion cu Dia di Ascension
nos lo ta cera riba:
Diahuebs 9 y Diabierna 10 di mei



Den caso di emergencia por yama libremente nos Storingsdienst na 523-7147.

Secretario general di MEP: Ainda bo por ta AVP?

BENNY SEVINGER E AVESTRUZ DI AVP SU PIANAN TA NA CANDELA DEN LUNA DI MEI

E partido cu ta simbolisa corrupcion AVP y su alibabanan mafioso ta den publicidad un bes mas durante luna di mei. E caso Avestruz y e bandido mayor Benny Sevinger lo ta dilanti corte un bes mas. E biaha aki tres (3) hues lo repasa su caso. Benny ya caba tin sentencia di prizon riba su cabes. Un berguensa grandi pa esnan cu tin intencion di subi e lista berde e proximo eleccion. Nos lo percura pa nunca, pero nunca mas pueblo lubida e corrupcion y ladronicia cu e ex ministernan di AVP a comete apoya pa e gran bebedo di ensure, esta Mike Eman. Gobierno di AVP den e periode 2009-2017: AVP a crea e Mega Debe, AVP a bin cu e LAFT, AVP a ranca 201 miyon di nos companianan estatal, AVP a Hedge WEB cual a costa pueblo 300 miyon, AVP a regala Richard Arends "Horizon Consultancy" 4 miyon florin, AVP a regala Speed cu Patrick 8 miyon florin, AVP a corumpi RDA hortando 20 miyon, AVP a regala Patricia Dowers casa di Dowers 400 mil florin, AVP a regala abogado Sjiem-Fat 5 miyon florin, AVP y Mike Eman a regala su ruman 1.9 miyon pa 1 auto di careda. AVP a brasa corrupcion cu e resultado conoci casonan IBIS y Avestruz, unda Paul Croes awe ta cera den KIA y Benny Sevinger tin veredicto di prizon riba su cabes rumbo pa KIA. Pues, a "Mafia Partij" AVP y su bandidonan ta bon conoci pa su casonan bochoroso y esaki hamas pueblo kier pa ripiti. Tur ta cu prueba!

Benny Sevinger di AVP bek den corte:

Manera ta conoci, e convicto Benny Sevinger e mafioso mayor den e caso historico di corrupcion, esta e caso AVESTRUZ den luna di mei lo ta bek dilanti mesa berde. Den corte di prome instancia hues a reparti 11 aña di prison total

entre Benny, Leoncita Arends, Susebeek (man drechi di Benny) pa nombra algun di cual Benny mes a ricibi un condena di algo mas cu un aña. Den e luna aki (3) hues, esta Hoger Beroep lo revisa e caso aki un bes mas. Ta fresco den nos memoria con hues den su veredicto a condena Benny y a "verbeur" esta "kita" of encauta 2.5 miyon florin di Susebeek di un cuenta di ORCO Bank na Curaçao. E placa aki ta prueba di a bin di dealnan cu e terenonan di Pais Aruba. Tambe, hues a prueba cu doño di Holiday Inn Hotel a paga \$8000 US Dollar pa un fiesta di yiu di Benny. Pues Benny ta invita amigonan pa bay fiesta di yiu, pero e mes no ta contribui cu un depchi y a cambio di fabor politico nan ta cubri henter un fiesta pa su yiu.

Algun triki di Benny den caso Avestruz:

Damira Real Estate cu ta di Gaby Werleman (ex candidato di AVP y semper e man drechi di Hencky Eman y Mike Eman) a pidi un tereno comercial di 8843m2 na Eagle riba un "prime location" pa traha un condominio super luhoso mas "boutique facility y café". E proyecto aki lo tin un costo di Afl. 22.216.00,00, esta 22.2 miyon florin pa trah'e. Asina esaki a wordo presenta door di Gaby Werleman na Benny Sevinger. Mesora Damira Real Estate & Construction di Gaby Werleman y su (pareha) a ricibi bendicion di Benny Avestruz Sevinger "akkoord conform verzoek". Pues asina Damira Real Estate & Construction NV a ricibi su tereno miyonario, esta patrimonio di gobierno riba e fecha 25 di november 2015. Manera a ricibi e tereno di gobierno (Benny Avestruz) e amigo di Benny a bende e sharenan di e NV mesora y a ricibi 6.3 miyon florin sin



nunca a pone un bloki. E caha di triki di Benny y AVP. Asina Benny y Leoncita a bira miyonario. Tur esaki ta den e vonnis di cual Benny a ricibi condena di prizon p'e. Esaki lo ta den corte un biaha mas.

Refrescando memoria kico tur fiscal a presenta contra Benny di AVP:

Fiscal a confronta Benny "himself" cu un pago di un fiesta pa su propio yiu den Holiday Inn, unda Holiday Inn (amigo di Benny) a paga \$8000 na bebida pa e fiesta aki. Tambe fiscal a prueba con Benny a ricibi regalo di su "bestfriend" y empleado di su bureau, esta Susebeek. Durante investigacion nan a confronta Benny cu un pago haci na Fantastic Gardens di Afl. 25.201,64 pa hardin di su propio hogar. Benny a reacciona bisando "Ik heb dit zelf bij Fantasic Garden contant betaald". Despues nan a confronta Benny cu cheque (transferencia)

di Pats Development NV cu ta un compania di Susebeek cu a paga e suma aki na Fantastic Gardens. Benny a bira bleek bleek y a cambia ful su declaracion. Aki Benny a inventa e storia cu e no ta corda mucho bon, pero el a duna Susebeek e Afl. 25.201,64 mil florin cash pa Susebeek bay page p'e y posiblemente Susebeek lo a page for di su compania. Asina por a gara Benny ta gaña diferente biaha y no por a saca su curpa. Investigacion a comproba cu Susebeek a paga Afl. 100.000 mil florin pa converti Benny su cas den un hogar bunita. Susebeek a cumpra un ekipo di gym na balar di Afl.23.000,- pa Benny. Tambe Susebeek a paga ful un cura di cas pa Benny Sevinger na balar di Afl.22.000,-. Fiscal den su requisitoir a pone cu, "Verdachten Sevinger en Susebeek zitten hier te liegen". Pues nan no sa con pa saca nan curpa afo. Ainda Bo por ta AVP?



MINISTER ENDY CROES TA FELICITA TUR GANADO DI ARUBA OPEN IRONMAN COMPETITION 2024



: Recientemente, Minister di Enseñansa y Deporte Endy Croes a asisti na e entregamento di premio di Aruba Open Ironman Competition 2024 cu a tuma luga na Double Down Sportbar and Grill na Eagle Resort. E campeonato internacional a tuma luga na WELA dia 27 y 28 di april ultimo cu mas di 140 participante di diferente pais entre otro, Aruba, Curaçao, Boneiro,

Colombia, Ecuador, Guatemala, Surinam, Merca, Jamaica y Hulanda.

Na e ocasion special aki, a otorga premio na e ganadonan di diferente pais den diferente categoria. Minister Endy Croes ta felicita presidente di Aruba Practical Shooters Club Sr. cu a organisa e tremendo campeonato aki. Alabes, e mandatario di Deporte ta felicita tur



participante y ganado di Aruba Open Ironman Competition 2024.

Felis dia di Asuncion

Serlimar ta informa tur cliente

Schedule di ruta en conexion cu dia di Asuncion 2024

Rutanan residencial lo ta lo siguiente

Dialuna	06 Mei 2024	ruta di Dialuna
Diamars	07 Mei 2024	ruta di Diamars
Diaranson	08 Mei 2024	ruta di Diaranson
Diahuebs	09 Mei 2024	Dia di Asuncion (Liber)
Diabierna	10 Mei 2024	ruta di Diahuebs
Diasabra	11 Mei 2024	ruta di Diabierna



ALCOHOL POSIBEL CAUSA: CHAUFFEUR DI SUZUKI SWIFT DETENI, DESPUES CU E LA DAL PEATON CU AUTO



Tanki Leendert - Diasabra marduga rond di 4'or, polis a bay ariba e caminda di Tanki Leendert poco mas panort di e rotonde di Tanki Leendert cu WVB.

Informacion a drenta cu tin un persona ariba caminda benta.

Polis na yegada mesora ta pidi ambulance cu urgencia, debi cu e persona un cabayero lo a wordo gedal door di un auto.

A constata cu masha hopi sanger tawata saliendo di boca di e victima, rond di e dje ariba caminda partinan di e spiel di e vehiculo cu a dal e.

Paramediconan mesora a baha y cuminsa duna prome auxilio, preparando e victima pa bay Hospitaal. E victima tawata na tino, ora cu Paramediconan tawata trate.

Algun meter di dje, e chauffeur di e Suzuki Swift tawata duna polis su version y banda di pabou di caminda para cara pazuid e Swift cu spiel banda drechi ranca. E auto banda drechi tawata tin danjo, indicando unda e homber a wordo gedal.

Polis a detene chauffeur di e Swift, unda cu na yegada di transportwagen e la wordo hiba warda di Shaba, mientras Paramediconan tawata bayendo direccion Hospitaal cu e peaton.

Minister Glenbert Croes: ENSEÑANSA PA EMPLEO TA CRUCIAL PA YUDA NOS HOBENNAN DRENTA MERCADO LABORAL




Recientemente Minister Glenbert Croes a anuncia cu a baha e exigencia di edad pa 16 aña pa por sigui cursonan na Enseñansa pa Empleo.

Locual cu a conduci e mandatario na e decision aki ta specialmente nos hobennan cu a/ta termina SPO pero cu no por ‘stroom door’ pa EPB y igual pa nos graduadonan di EPB cu no ta bin na remarca pa por sigui studia na EPI.

Specialmente pa e hobennan aki: “Nos a habri e posibilidad pa nos hobennan por sigui cursonan dirigi riba demanda laboral, ampliando asina nan posibilidad pa un entrada mas facil den mercado laboral.” Hobennan por sigui (re)capacita nan mes cu diferente cursonan pa amplia nan conocimiento. Dje forma aki e transicion ta bira mas facil pa por haya un empleo pasobra trabou tin.

Cursonan:
Minister Croes a presenta



Algun di e cursonan cu EPE ta ofrece na prijs socialisa

Computer Beginners	Customer Service
Excel	Human Resource
Word	Idiomanan
Office Skills	Sales & Marketing
Bartender	Supervisory Management
Casino	Klein Vaarbewijs
Waiter	Horticultura

www.epearuba.com

cifranan di e cantidad di cursonan ofreci pa EPE. Durante e prome tanda di 2023, EPE tabata ofrece 23 diferente curso. A subi esaki den e di dos tanda pa 27 curso, y actualmente pa e prome tanda di 2024 tin un total di 34 curso cu miras cu esaki ta bay amplia cu diversificacion di cursonan.

EPE ta un fuente di enseñansa hopi popular den comunidad bou di esnan cu kier prepara nan mes pa drenta e mercado laboral. E cursonan cu tin disponibel ta entre otro: Computer for Beginners, MS Word, Excel, Office Skills, Bartender, Casino, Waiter, Customer Service, Human Resources, diferente idiomanan manera Ingles, Hulandes

y Spaño, Marketing, Supervisory Management, Kleinvaarbewijs, y Horticultura, ta algun cu EPE ta ofrece.

Ademas di e diverso cursonan, Enseñansa pa Empleo ta brinda e cursista un areglo di pago y na un prijs socialisa.

Loke cu nos kier ta pa nos hobennan haya trabou, pa tur nos hendenan haya un bon trabou. Dje forma aki Ministerio di Labor ta contribui y apoya e diferente posibilidadnan di (re)capacitacionnan di nos hendenan.

Pa informacion y/of pa por inscribi pa cualquier curso, por subi e website di EPE cu ta www.epearuba.com

Prome Minister Evelyn Wever-Croes:

Den conexion cu e proceso di automatisacion di departamentonan di Gobierno

BID A LANSA E PROYECTO "ORDO FACIL"

- Diahuebs mainta, Prome Minister Evelyn Wever-Croes a bishita Bureau Interne Diensten (BID) pa e lansamento di e proyecto nobo di innovacion "Ordo Facil". Manera ta conoci BID ta esun cu ta bestel tur e productonan pa Centraal Magazijn di Gobierno, y ora tur producto ta aden, e departamentonan por pasa busca loke nan a order. Awor cu "Ordo Facil", cada departamento di Gobierno, por haci nan order online, cu no solamente lo facilita e proceso pa BID, sino tambe lo duna nan un miho

control riba e inventario di e productonan.

Prome Minister a expresa di ta sumamente satisfecho pa wak cu BID a tuma e paso pa implementa innovacion den nan proceso di order, ya cu esaki lo facilita e proceso di order no solamente pa BID, sino tambe pa e otro departamentonan. Tambe e mandatario ta spera cu e paso aki di BID, lo sirbi como ehempel pa e otro departamentonan sigui cu e pasonan di automatisacion. Pa tur

departamento di Gobierno, implementacion di procesonan di innovacion por facilita y acelera e servicio di e departamento na comunidad.

"Mi ta felicita Shamila Loepstok y henter e famia di BID cu e paso importante aki cu nan a logra den apenas 3 luna. Sigur un proyecto cu a existi hopi tempo y trabou, pero cu lo mehora e servicio en general di e departamento. E sistema nobo aki ta un muestra, di con pasonan chikito pa cu innovacion,



por trece cambianan asina grandi den eficiencia di e servicio cu e departamento ta duna.

Masha pabien na full e ekipo di BID cu a

traha incansabel riba e proyecto aki, y danki pa kere y sostene e sistema di innovacion y automatisacion", Prome Minister a expresa.

Cas di Max
Mueble y mas

Special
PA DIA DI
MAMA

Cumpra
1 Corchon
y participa
pa Gana un
stoel di Zoya
pa Mama!



• Schotland str. 46 - tel. 280-6080

Orario: dialuna pa diabierna 9 - 1pm | 2 - 6pm - diasabra 9 - 5pm

• Warehouse Melveld 3A-1 tel. 582-1671



Check nos riba
social media
like y follow



699-5511

MINISTER ENDY CROES TA FELICITA CHRISTIAN PEREIRA Y LANA GOBERT, E GANADONAN DI E DI 62 EDICION DI HARRY JANSSEN MEMORIAL RACE



Riba Dia di Rey, Minister Endy Croes a bishita diferente actividad rond di nos isla. Diasabra atardi, e mandatario di Deporte

acompañá pa su kerida esposa Dilailah Croes – Odor a atende e di 62 edicion di Harry Janssen Memorial Boulevard



Race organisa pa Aruba Triathlon Association. Minister Endy Croes tabata presente na inicio di e careda pa desea e coredonan hopi exito.

Alrededor di 755 coredo a participa den e careda

di 10 KM cu a inicia na Malmok y a finalisa na Aruba Ports Authority. Tabatin hopi ambiente banda di caminda, unda cu famia, colega y amistad di e coredonan a duna sosten y apoyo. E coredonan: Christian Pereira y Lana

Gobert a sali e ganadonan absoluto di e di 62 edicion di e Harry Janssen Memorial Race.

Cu disciplina, deseo, dedicacion y determinacion boso a logra. Masha pabien!

ACCIDENTE ENTRE TRES AUTO NA TANKI FLIP, UN CHAUFFEUR BURACHI SIN RIJBEWIJS A SER DETENI



Diasabra anochi a drenta informe di un accidente na Tanki Flip dilanti La Oficina. Mesora a dirigi un




patruxa na e sitio. Yegada di e patruxa a bin compronde cu aki ta trata di un accidente unda chauffeur

di un Toyota Yaris blanco lo a bai hasi un U-turn y dal den un Chevrolet SUV shinishi scur. Y door di e impacto e Chevrolet a bai dal den un Honda Fit cora. E chauffeur di e Yaris lo a purba huy pero nan a logra par'e y un pelea lo a cuminsa. Polis a yega rapidamente y a detene e chauffeur di e Yaris blanco cu lo tabata burchi y no tabata tin rijbewijs. Polis a tuma datos di e accidente aki.



KIEBRO Y LADRONICIA NA "MY FAVORITE BEAUTY DESTINATION" NA HOOIBERG, LADRON AWOR KIER MUSTRA BUNITA CU PRODUCTONAN HORTA.

Diabierna madruga a drenta informe di un caso di Ladronicia na "My Favorite Beauty Destination" na Hooiberg, mesora a dirigi patruynan na e sitio. Na yegada di e patruyanan a bin compronde cu e ladron ya a bandona e sitio. E ladron tabata asina estúpido cu ela corta e waya di e camaranan despues di cu e camara a capt'e ela logra pasa man pa productonan di beyesa di calidad y a core sali cu esakinan. Polisnan a tira bista rond pero no a logra topa cun'e. Pero camara a capta su style y pronto nos lo wak su diferencia.



POLIS A DETENE PERSONA DISFRASA NA ADAM CU A BULA DRENTA CURA DI BISIÑA

Diabierna atardi a drenta informe di cu tin un persona disfrasa na Adam cu a bula drenta cura di un bisiña na Siribana, mesora a dirigi un patruya na e sitio.

Na yegada di e patruya a bin compronde cu e homber a bula drenta cura di cas di un bisiña pero ela haci esaki completamente sunu. Mesora polis a detene unda un bisiña a facilita polis un serbete. E vehiculo di transporte a presenta pa asina hib'e na warda di polis na Centro di husticia





Nos ta warda bo den bo barío.
Ban Topa!

SANTA CRUZ



7 MEI
Diamars



CEDE
Mep



INVITADO
Setty Christiaans
Shannon Henriquez
Edgard Vrolijk
Evelyn Wever-Croes



6:30-9:00
PM



LO TIN
Refreshments



TOPICO
Tarea di parlamentario
Ley di kinderopvang
Presidencia di Parlamento
Recuperacion y retonan

Ban Topa ta un programa informativo den diferente barío cu e meta pa informa, delibera y contesta diferente pregunta di comunidad riba diverso topiconan cu ta regarda nan barío y nos pais **ARUBA!**

REMETIDO: HOMOSEXUAL - A NACE OF A BIRA ?

Apreciable redaccion, premitimi e espacio pa trata en breve e topico: homosexual . A nace o a bira ? Hopi hende tin e conflicto aki cu sea nan a nace o bira. Laga nos wak kiko Beibel ta bisa:Gen 2:18: "E ora

ei Señor Dios a bisa:No ta bon pa e homber ta so, lo Mi traha un yudado p'e cu ta pas cuné." Door di crea un sex-opuesto,Dios a percura pa e necesidad humano, esta comunion. "Gen 2:24 - Pesei un homber lo bandoná su tata

i su mama i lo uni cu su esposa i nan lo un carni." E union entre un homber y un muher ta e unico pacto di amor matrimonial y relacion sexual diseña pa Dios. "Gen 1:27,28 - y Dios a crea hende segun Su

imagen,segun imagen di Dios" E a crea hende; homber i muher,anto Dios a bisa nan:sea frutifero i multiplica i jena tera.e mandamento den e pasage aki por wordu cumpli solamente door di un relacion hetro. Homber y muher ta complementa otro pa procrea manera Dios a manda. "Gen 1:31-i Dios a mira tur loke E a traha,i ata,tur cos tabata masha bon.Nos no


mester insisti pa cambia loke Dios ja caba a declara cu ta bon." Esei ta matrimonio hetro pa conclui "1 Cor 10:23 - Tur cos ta permiti,ma no ta tur cos ta edifica(combiní)." DOOR DI LEYNAN HUMANO TA ACEPTA MATRIMONIO HOMOSEXUAL, PERO DIOS TA PROHIBIE. Nomber y adres conoci pa redaccion

3 Auto involvi den un accidente banda di Azar na Palm Beach



Diabierna mainta a drenta informe di un accidente banda di Azar na Palm Beach, mesora a dirigi

un patruya na e sitio. Na yegada di e patruya a bin compronde cu aki ta trata di un accidente di cadena entre 3 auto unda e chauffeur di un Infinity preto no a regula su velocidad ni a mantene distancia y a bay dal e Nissan March cu tabata su dilanti y manda esaki bay dal e Honda Fit su dilanti. Afortunadamente ningun hende a resulta herida.



Accidente cu hopi daño material y ambos chauffeur herida na Pos Abao



Diabierna mainta a drenta informe di un accidente cu hendenan herida na e crusada na Pos Abao, mesora a dirigi tanto polis como ambulansnan na e sitio. Na yegada di e patruya a bin compronde cu aki ta trata di un accidente unda e dama chauffeur di un Nissan March a sali di-



lanti sin duna preferencia na un Kia Cerato biniendo for di pabao y nan a dal den otro. Debi na e fuerte impacto ambos chauffeur

femenino a resulta herida. Nan yegada di e 2 ambulansnan nan a atende ambos victima y a transporta nan pa hospital.

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen

STIMA BO MAMA NA BIDA Y DESPUES RECORDE DEN ORACION



Na scol nos tawata traha, pinta algo bunita pa Dia di Mama, tempo nos tawata un mucha. Hib'ele cas scondi pa Mama no wak e, te e dia mes di Dia di Mama. Na hubentud nos tawata kere cu nos tawata sa tur cos nos mes. Nos amigonan tawata mas importante. Despues na grandi, cu nos mes ta Mama (y Wela tambe) , mas y mas nos ta realisa su balor durante henter su bida. Awe nos Mama ta meymey di nos ainda, Danki Dios, cocochando un crenchi cu su salud, pero su presencia, su bos y su holor ta impacta nos tur dia di nobo regala na nos . Dios ta bon. Dios semper ta bon. Dia cu Lady Ruth a bira Mama su mes (1978) di su prome yiu homber, Rene, (Lady Ruth ta bendiciona cu 2 yiu homber, Rene y Jean) a realisa con importante ta e rol di Mama, e sabiduria den cada dia pa cumpli cu su responsabilidadnan cu

amor, cu pasenshi, cu pasion pa e criaturanan inocente asina bunita forma pa Dios. For di e dia ey tambe ela cuminsa y sigui trata su Mama cu mas respet, cu mas amor, duna mas atencion. Nos a sali bay bebe koffie hunto, tin biaha bay hunga Bingo, y bay wak Mama hunga domino den su team cu a yega di bira campeon, dal un cerves bon friuw . Nos a bay come den diferente restaurant, su favorito Driftwood pa su fillet di pisca fresco cu su saus crioyo y su pan bati. Nos a bay riba diferente barconan crusero hunto, hunto cu mi casa Johan y Papa. Varios bes algun di mi rumannan tawata join nos den nos viahenan ariba barco crusero. Esun mas gusta pa Mamanan tawata Carnival cruise ship. Mama a bishita su famianan na Hulanda varios ves. E cu papa a bay Canada pa bruid di su ruman muhe Irena, (awe

dfm). Si Lady Ruth a cumpra un tas cora p'e mes, e tawata cumpra un pa su bunita y dushi Mama tambe. Mama ta un so tin. Y no tin dos igual. Cada famia cu nan mesun experiencia y historia pa cu nan Mama. Awe Lady Ruth ta para keto un rato den su pensamentonan, cu masha hopi gradicimento na curason pa su Mama : "P. Mercedes Bergen-Tromp cu a celebra na luna di November 2023 ultimo su di 70 anja casa felismente cu e unico amor eterno di su bida : "Lucas L. Bergen cu tawatatin Mercedes como su unico amor grandi eterno y reina den su bida, aunke varios mama di yiu muhenan di otro barionan tawata purba di mete y stroba e relacion poderoso di amor aki entre Lucas y Mercedes den e dushi bario Dakota. Locual Dios uni, niun otro man no por separa. Y ta e ehempel impactante aki ta e ehempel tambe pa

ami, Ruthy "Lady Ruth" cu mi casa Johan Vrieswijk, na caminda e anja aki na December pa nos di 47 anja casa felismente. (cu su ups and downs, manera tur pareha, pero waaaaw ! (What an awesome journey together !).

Lady Ruth a inspira algo pa su dushi y bunita Mama, e biaha aki pa Dia di Mama Mei 2024.

AMOR DI MI MAMA

Mi Mama ta stima su 4 yiunan : Roy, Ro, Lucky y ami Ruthy, ta duna di su mes tur dia

Mi Mama ta stima su casa, nos tata, cu a comparti cu n'e te awor 70 anja di olanan yen di alegria

Mama ta sacrifica su tempo den tempo tristo of contento, duna bon conseho

Mama ta hunga domino y bingo, Mama ta cushina e cumindanan crioyo di mas dushi

Mi Mama no a malcria su mes ni cu joyas ni cu luho, excepto scoge e auto nobo cada dos tres anja, cu e tawata desea di core, el a prefera di yuda su famia di 12 ruman

Su curason inspira cu simientonan puro, unda cu tawatatin mester ela duna un man

Hasi oracion pa proteccion y guia pa nos, su yiunan, canta den cushina mientras ta cushina

Mama cu hopi amor y hopi fe, awe cu su salud den su mes baile di bai bin bai bin den mente


Awe nos ta reflexiona riba anjanan di su bon bida y bendicionnan riba dje drama

Nos ta rondon'e cu bon cuido, atencion y amor, cu nos mesun fe y amor awor mas frecuente

Nostin nos Mama meymey di nos ketobay den 2024 cu su 88 anja di edad

Su presencia, su bos, su holor, ta muestra di e gran amor di Dios den dje cu bondad

Su Hesus, su lus, su guia y



inspiracion den cada atencion cu dedicacion

Nos ta demonstr'e y bise tur dia cu nos ta stim'e, nos ta duna Dios danki p'e Y den nos humilde oracion ta pidi Tata Dios pa sigui cuid'e y proteh'e

Te dia Dios tum'e, segun Su voluntad na shelo como na tera

Pa mi Mama, pa nos Mama, pa tur Mamanan un dushi Diadomingo nos ta spera

No laga pa mayan locual bo por hasi awe, y no ta necesariamente e regalonan na material

Tratele bon cu respet, bisele danki, bisele bo ta stim'e, Mama ta unico y special

Bishita bo grandinan tur dia, y si por, hiba nan come, keiro cu nan, brasanan, papia cu nan Nos tur ta spera di por biba pa hopi tempo, y manera e palabranan di un sabio ta bisa

"Sea semper contento !"

Un felis Dia di Mama bendiciona na tur cu ta Mama. Un "bearhug" di Lady Ruth pa boso tur !

**PUEBLO A HAÑA SU
PEN BEK**

Pa kualquier informacion
solodipueblo@gmail.com
of
585-9500

Aruba a pone krans ariba Dodenherdenking na Waalsdorpervlakte



Den Haag – Un delegacion di Gabinete di Minister Plenipotenciario, encabeza pa studiantenan Arubiano, a pone un krans na e monumento na Waalsdorpervlakte ariba "Dodenherdenking" diasabra 4 di mei 2024. Tambe presente tabata directora di Gabinete di Minister Plenipotenciario di Aruba mr. Joselin Croes.

E conmemoracion ariba "Dodenherdenking" na Waalsdorpervlakte ta un lugar y monumento cu un significacion special, pasobra e monumento ta na e sitio unda durante di segunda Guerra Mundial hopi persona cu tabata forma parti di e resistencia contra di e ocupacion Aleman a wordo fusila. Entre nan e hoben Arubiano Boy Ecury cu hunto cu otro

miembronan di resistencia a haya su morto pa medio di un peleton di bala ariba 6 november 1944. Pa añanan Gabinete di Minister Plenipotenciario a participa na e conmemoracion aki – cu excepcion durante e periodo di Covid, unda e conmemoracion no a tuma lugar – cual momento ta importante pa di e manera aki tene na bida e memoria y e storia



di bida di Boy Ecury.

Na e monumento na Waalsdorpervlakte e studiantenan Arubiano a pone un krans acompaña

pa directora Joselin Croes y funcionario di departamento di Enseñansa di Gabinete di Aruba Ivonne Navas.


Auto a cay den e mediaan riba Sasakiweg



Diasabra madruga a drenta informe di un accidente na Sasaki. Mesora a dirigi un patruya na e sitio. Na yegada di e patruya a bin

compronde cu chauffeur di un Lexus mester a desvia pa un auto cu a sali su dilanti y lo a pone perde control bai cay

den e mediaan. Afortunadamente ningun persona a resulta herida. Polis a tuma datos di e accidente aki.



**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com



HOROSCOPO

6 di Mei 2024

Feliz y productivo dialuna, bon comienso di siman. Awe Solo di Pueblo ta presenta bo horoscop pa dia 6 di mei 2024.

Aries
Situacion faborabel pa fascina bo pareha. Si bo kier spaar, warda un cantidad fiho tur luna. Bo hefenan lo balora bo trayectoria profesional. Probablemente bo ta 'overexcited' y bo lo pasa trabao pa drumi. Number di suerte: 46, 13, 4.

Tauro
Scucha bo sernan keri mas. Bo spaarmento lo ta multiplica. Lo bo gana e confiansa di esunnan cu ta traha rond di bo. Dolor di lomba, cuidao cu e posturanan. Number di suerte: 94, 34, 9.

Geminis
Si bo a caba cu un relacion, lo bo ta un poco resenti.

Asunto di placa lo bay mas miho cu loke bo ta spera. Lo bo mira cla e pasonan cu lo bo tuma paun promocion futuro. Bo pianan lo haya nan resenti debi na drukte di tur dia. Number di suerte: 27, 89, 1.

Cancer
Lo bo sinti bo radiante y asina lo bo atrae mas di un persona. Programa bo economia sin angustia ni agobio. E exito empresarial ta spera bo na buelta di skina. Si bo no drumi mas, e dia di awe lo ta un carga pa bo. Number di suerte: 39, 82, 1.

Leo
Rato di relajacion y calma, hasta den soledad. Si nan debe bo placa, pidi p'e. Porfin lo bo por traha riba loke bo ta gusta. Bo gran vitalidad lo duna bo euforia. Number di suerte: 98, 78, 8.

Virgo
Bondad lo ta bo miho arma di seducccion. Si bo mester haci un compra importante, awe t'e dia. Asunto laboral lo bay rekeri hopi energia. Descarga e exceso di energia cu ehercicio. Number di suerte: 19, 61, 3.

Libra
Si bo busca pareha pa comparti bo bida, awe no t'e dia. No nenga bo sosten economico na un amigo, lo sinti bon. Bo por atende e asuntonan pendiente di bo trabao. Lo bo sufri di un ke otro dolor di cabes. Number di suerte: 46, 61, 8.

Scorpio
Nan lo bay haci bo un declaracion di amor. Si bo ta pura pa placa, no preocupa, ta algo pasahero. Tuma bo tempo na trabao of lo bo comete error. Bo ta gosa di un salud maraviyoso.

Number di suerte: 37, 45, 75, 6.
1.

Sagitario
Evita cu e influencia exterior deteriora bo relacion. Cu placa, sigui conseho di esunnan cu sa. Na trabao contene bo impulsonan. Lo bo alcanza bienesser fisico desea. Number di suerte: 12, 47, 8.

Capricornio
Cada biaha bo ta mas namora di bo pareha. Nan lo bay pidi bo placa di un forma descarado. B ono mester permiti pa acumula trabao den exceso. Aunke bo estado fisico ta bon, no bandona ehercicio. Number di suerte: 59,

Acuario
No duna importancia excesivo n'e olvido di bo pareha. Un persona cerca no ta rekeri un prestamo, yud'e. Den e reunion di trabao lo bo ta briyante. Bo wesonan ta dolor, tuma baño relajante. Number di suerte: 35, 64, 8.

Piscis
Hopi capacita pa biba y disfruta di amor. Bo por stop di soña, e biahe fantastico aki lo realisa. Nan lo duna bo responsabilidad nobo. Bon humor y pleno forma fisico. Number di suerte: 77, 99, 4.



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

Accidente purba kita pa dal tras di un y dal e y dal un otro tambe

Diabierna mainta a drenta informe di un accidente na Avenida Milio Croes, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di



un boxtruck no a regula su velocidad ni a mantene distancia y a bay purba desvia pa e auto su dilanti y a dal e toch y a dal un otro auto staciona tambe. Afortunadamente ningun hende a resulta herida.



Ban Gosa "A Musical Evening" di Arubaanse Kunstkring 11`

Diasabra 11 di mei, pa 7.30 pm Arubaanse Kunstkring ta presenta na Cas di Cultura "A Musical Evening" cu e grupo Rochela como e atraccion principal. E palabra rochela na Spaño ta nifica diversion y esey ta loke e grupo musical Rochela ta trese Aruba: diversion, fun, plezier.

E lider di e grupo ta e tocador di cello Germán Mar-

cano kende ta hopi conoci pa su cociertonan cu Aruba Piano Festival (di Armand Simon) y cu Nuevo Mundo Music Festival & Academy (NMFA) di Simon Gollo. German Marcano ta un di e cellistanan mas importante di America Latino. Su CV ta largo y interesante. El a gradua di Surrey University, Inglaterra, caminda el a studia bou di guia di Stefan

Popov y William Pleeth. El a participa den varios tour como solista, musico di camara y maestro di academia manera el a haci aki algun aña pasa cu NMFA. E otro miembronan di e grupo ta Gonzalo Teppa, contrabajo; Jorge Glem, cuarto y Manúel Rangel, maracas.

Ademas di Rochela lo actua tambe Vento do Norte,

e grupo di 5 saxofonista Hulandes bou di Henk van Twillert cu a toca na Aruba pa prome bes na 2011.

Na 2017 mi a skirbi lo siguiente di un concierto di nan: "Siman pasa na Cas di Cultura mi a presencia un di e cociertonan mas conmovedor den mi vida, e concierto cu Kunstkring a presenta di e conhunto musical Vento do Norte."

Grupo Serenada di Corsow cu 12 miembro bou di direccion di Henri Moen


lo ta di tres grupo pa actua e nochi ey. Serenada ta conoci pa su manera unico di presenta canticanan crioyo.

Laga nos muestra e boluntarionan di Arubaanse Kunstkring cu nos ta aprecia nan trabou y muestra nos cara na e Musical Evening. Entrada ta costa apenas 35 florin pa persona.

Te diasabra nochi 7or y mei na Cas di Cultura. Trese bo famia y amigonan!

Iglesianan Cristian di Aruba

BENEFICIONAN SOCIAL DI MATRIMONIO



Desde comienso di humanidad matrimonio y famia ta forma e base mas firme pa desaroyo sano di un sociedad. Dios mes a institui matrimonio entre un homber y un muhe. Pero si un hende no ta kere den Dios sciencia social mes ta confirma cu Dios su mandamento pa matri-

monio ta esun cu ta sirbi sociedad miho. Matrimonio entre un homber y un muhe te ainda ta muestra di ta mas beneficioso pa e pareha mes, pa nan yiunan y pa sociedad. Estudionan ta muestra cu un matrimonio entre un homber y un muhe casa cu otro y cu ta dedica na otro ta mas beneficioso pa salud incluso salud mental. E ta mas beneficioso pa prosperidad financiero. E ta mas beneficioso pa lanta mucha cu ta e siguiente generacion di ciudadano. Muchanan cu lanta cu nan tata y mama biologico ta prospera miho den enseñansa y ta menos involvi cu husticia na un forma negativo. Matriminio en-

tre un homber y un muhe ta mas beneficioso pa crea un ambiente di siguridad cu ta haci cu hende ta bira menos dependiente di sociedad pa asistencia social of asistencia financiero. Awendia tin estudio cu ta muestra cu mucha cu lanta den un famia di parehanan di mesun sexo ta prospera di mesun manera cu mucha den un famia tradicional. Pero tin un fayograndi cu e estudionan aki. Nan ta basa riba un cantidad chikito di hende cu a wordo investiga compara cu e cantidad grandi di mucha cu a lanta cu nan mayornan biologico.

Un di e propositonan di Dios pa matrimonio y

famia ta pa mantene humanidad na existencia pa asina cumpli cu e propositonan di Dios den mundo. Solamente matrimonio entre un homber y un muhe ta percura pa nacemento di e siguiente generacion di ciudadano den un ambiente sano. Anto sciencia social ta muestra nos cu e famianan aki ta duna un contribucion positivo na sociedad.

Dia 8 di mei 2024 Parlamento di Aruba lo trata e proposicion di ley pa legalisa matrimonio di mesun sexo. Tin indicacionnan fuerte cu mayoria di pueblo di Aruba kier

mantene matrimonio den nos codigo civil como un union serio y sagrado entre un homber y un muhe. Si nos Parlamentarionan tene nan mes na e decision di Corte Europeo pa Derecho Humano anto nan lo yega na e conclusion cu no ta existi derecho humano pa hende casa cu un persona di mesun sexo. Legalisa matrimonio di mesun sexo kiermen ta duna un favor na e personanan aki. Pero ley no mester ta basa riba favor sino riba derecho. Parlamento no mester inventa un derecho cu no ta existi.

Iglesianan Cristian di Aruba (ICA)

Clasificados



SOLODIPUEBLO@GMAIL.COM
CEL. 585 9500





BRIYANDO FUERTE • TRECIENDO CLARIDAD

TA BUSCA PARTIDORA DI CORANT PA AREA DI Simon Antonio - Pos Chikito

Brazil - Sanicolas
Horario: 7.30 pm

Contact: 585-9500
E-mail: solodipueblo@gmail.com



Maneho y cuido eficaz di cabey shinishi



Cabey shinishi, aunke hopi biaha ta wordo asocia cu madurez y sabiduria, tambe por rekeri un cuido special pa manten’e saludabel y p’e luci di e miho manera. Aki nos ta duna bo algun strategia y conseho pa maneha y cuida bo cabey shinishi di un manera efectivo.

Hidratacion adecua
E cabey shinishi tin tendencia di ta mas seco y grof cu cabey tiña. P’ese y ta crucial pa mantene e bon hidrata. Uza shampoo y conditioner hidratante diseña especificamente pa cabey shinishi of blanco. Ademas, considera agrega azeta natural manera azet’i coco of di argan na bo rutini di cuido capilar pa dun’e un hidratacion adicional.

Proteccion contra solo
Cabey shinishi ta mas susceptible pa daño causa na rayonan UV di solo. Uza protectornan solar di cabey of uza sombre y sjaal pa proteha bo cabey ora bo ta expone na solo pa periodonan prolonga.

Evita cabey bira geel
Cabey shinishi por bira geel door di acumulacion di residuo di proteccion

capilar y tambe pa factornan manera huma di sigaria of contaminacion. Uza shampoo y conditioner regularmente diseña pa cabey shinishi of blanco, cu ta contene ingredientenan special pa neutralisa tononan di amargo no desea.

Corte regular
Cabey shinishi of blanco tin tendencia di ta mas diki y mas grof, p’ese y por ta propenso pa coy conocpi y parce bruha si no ta cort’e regularmente. Programa corte di cabey regular pa mantene e cu un apariencia fresco y saludabel.

Estilo adecuado
Experimenta cu diferente estilo di peinado cu ta pone en evidencia e bunitesa unico di bo cabey shinshi of blanco. Opta pa cortenan cu ta complementa e textura y tono di bo cabey, manera cortenan den capanan of peinado corto y elegante. Tambe bo por considera agrega highlights abou pa duna bo cabey shinishi un dimension.

Nutricion adecuado:
Un dieta balansa y rico den nutriente ta esencial pa mantene salud di cabey,

incluyendo cabey shinishi. Sigura bo mes di consumi suficiente proteina, vitamina y mineral, manera vitamina e, biotina y acido graso omega-3, cu ta importante pa salud di cabey.

Evita calor excesivo
Calor excesivo di hermentnan di peinado manera blower y plancha di cabey por dañá cabey shinishi y hacie bira mas fragil y propenso pa kibra. pa kibra. E ta uza configuracionnan di calor mas abou y aplica protectornan termino prome cu uza hermentnan di calor pa minimalisa daño.

Tratamento di condicionamento profundo
Ta inclui tratamiento di condicionamento profundo den bo rutina di cuido di cabey pa yuda restaura humedad y elasticidad di bo cabey shinishi. Busca productonan cu ta contene ingredientenan hidratante manera azeta natural, keratina of proteina di seda.

Mantencion di cuero di cabes
Un cabey saludabel ta fundamental pa salud general di cabey. E ta uza shampoo y conditioner suave cu no ta irita cuero di cabey y evita labamento excesivo, ya cu e por elimina e azeta natural cu ta yuda mantene cabey hidratada.

Reduccion di stress
Stress por tin un impacto negativo riba salud di cabey, incluyendo cabey shinishi. E ta haya manera pa reduci stress den bo bida, sea dor di tecnica di relajacion manera meditacion



acion y yoga, of dedicando tempo na actividadnan cu bo ta disfruta.

Siguiendo e consehonan y strategianan aki, bo por maneha y cuida bo cabey shinishi strategianan aki,

bo por maneha y cuida bo cabey shinishi efectivo, mantene e saludabel, bunita y radiante. Corda cu e yabi ta den consistencia y pasenshi den bo rutina di cuido di cabey.



PRONOSTICO DI TEMPO

VALIDO TE DIALUNA 6 DI APRIL 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA

CU UN POSIBLE AWACERO BREVE

DEN MARDUGA Y MAYAN: PARCIAMENTE NUBLA CU UN

AWACERO PASAJERO TE BREVE

TEMPERATURA MAXIMO 33 GRADO CELSIUS

TEMPERATURA MINIMO 27 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 34 PA 39 GRADO CELSIUS

UV INDEX: 12

POTENCIAL DI AWACERO PA PROXIMO 24 ORA:

1 MM OF MENOS; LOCALMENTE ESAKI POR VARIA

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8’AM PA 8’AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA MODERATE BASTA FUERTE FOR DI

DIRECCION GENERALMENTE OOST.

TEMPERATURA (GRADO CELSIUS) MAX / MIN LO TA: 33 / 28

REFLECCION

**E MOTIBO CU DIOS TATA A
DESTRUI E DOS CIUDADNAN GRANDI
DI SODOMA Y GOMORRA**

Den Bijbel Genesis 19: 1-23; E dos angelnan a jega na e ciudad di Sodoma atardecer. Lot tabata sinta na e entrada di e ciudad. Ora Lot a mira e angelnan, el a lanta bai ricibinan y a hinka rudia y a buig te na suela. I a bisa nan: “Sea asina bon di bin pasa anochi na mi cas. Mayan mainta trempa, boso por sigi boso caminda.” Nan a bisa: “No, nos lo pasa e anochi na plaza.” Pero Lot a insisti tanto, cu nan a sigi Lot na su cas, na unda Lot a prepara un bon cuminda pa nan y a traha pan sin zuurdeeg y nan a come. Pero prome cu nan tabata bai drumi, tur e hombernan di Sodoma, sin excepcion di hobennan y ancianonan, nan a rondona e cas. Nan a jama Lot y a bis’e: “Na unda e hombernan ta, cu a jega bo cas anochi? Sakanan afo, pa nos tene relacion sexual cu nan.” Lot a sali y serando e porta a bisanan: “Mi ta roga boso mi rumannan, no comete tal maldad aki.” Pero nan a responde: “Hala

un banda, bo a bini como extranjero y bo kier actua como huez. Awor nos lo bai trata’bo peor cu e otronan.” Nan a pusha Lot un banda y nan a cuminsa kibra e porta pa drenta. Pero e dos angelnan cu tabata para na e porta, a haci tur di nan bira ciego, desde di e mas hobennan te hasta di e mas ancianonan y nan tur no por a mira mas. E dos angelnan a bisa Lot: “Bo tin di sali for di e ciudad aki, tuma bo yiunan y tur loke ta pertenece bo. Nos ta bai destrui e ciudad aki, pues ta hopi ta e kehonan pisa tin contra di e habitantenan di Sodoma y a jega te na Dios. Y Dios a manda nos pa destrui el’e. Solo a caba di sali, ora Lot y su famia a jega Soar. E ora ey Dios a laga jobe riba Sodoma y Gomorra, candel y asufre, cu a bini for di cielo. Y asina Dios a destrui e dos ciudadnan grandi cu tur su habitantenan, henter e region y cu tur loke tabata crese eyan.” Awor por comprende, cu e dos ciudadnan grandi di


Sodoma y Gomorra tabata habita pa homosexualnan, lesbiananan y bisexualnan etc. Tur e hombernan di Sodoma incluyendo hobennan y ancianonan a rondona e cas di Lot y nan a bisa Lot: “Na unda e hombernan ta, cu a jega bo cas anochi? Sakanan afo, pa nos tene relacion sexual cu nan. Y Lot a bisanan: “Mi ta roga boso, no comete tal maldad aki.” E maldad aki cu Lot a bisa, ta e pikanan di deshonesto y di inmoralidad na unda cu nan ta deshonra nan curpa den e mesun sexo, cu ta oral y anal sex. P’esey, akinan no ta trata di libertad di expresion, akinan no ta trata di discriminacion, akinan no ta trata di referendum, akinan no ta trata di union civil, akinan no ta trata di derechonan humano, akinan no ta trata di igualdad etc. Pero akinan ta trata, cu e palabranan di Dios mester wordo cumpli y respeta y cu e Leynan di Dios mester wordo obedece. Dios Tata ta bisa den Bijbel

Levítico 18: 22 ; “Lo bo no tin relacion sexual cu un homber manera cu sa haci cu un muher, esey ta algo abominabel.” Tambe Dios Tata ta bisa bon cla den Bijbel Levítico 20: 13 ; “ E homber cu drumi cu un homber manera ta drumi cu un muher, nan dos ta comete actonan repugnante, nan dos lo muri y nan sanger lo cai riba nan.” Condenacion, Bijbel 1 Corinthionan 6: 9 -10; “Bosonan no sabi cu esnan cu ta comete inhusticia, nan lo no drenta den e Reino di Dios? No ganja boso mes! Na esnan cu ta bishita e prostitutanan, na esnan cu ta adora diosnan falso, na esnan cu ta comete adulterio, na esnan cu ta haci relacion sexual prohibi, na

esnan kibradornan di matrimonio, na esnan homosexualnan, na esnan cu ta drumi cu homosexual, na e abusadornan di hobennan, na e ladronnan, na e golosnan pa plaka, na e alcoholiconan, na e calumniantornan, na e ganjadornan, ningun di nan lo no drenta den e Reino di Dios.” Awor, e hendenan di Sodoma y Gomorra, ta nace nan a nace homosexual, lesbiana etc. of ta bira nan a bira asina pa motibo di e mal pasionnan di satanas? Awor, ta cua di e leynan boso kier bin pone, e ley di satanas pa hende wordo condena den fierno of e ley di Dios pa hende drenta Gloria? Seferino Tromp

Gradicimento y invitacion

Di profundo di nos curason nos ta gradisi tur hende cu di un of otro manera a muestra atencion, amor y cariño durante bida, fayerimento y despedida di nos defunto stima:
Boso muestra di atencion ta di gran sosten pa nos.



Sr. CANDIDO JACOBO ANGELA
Mihor conosi como “Coby of Cobito”

Un danki na un y tur cu a manda caarchi, Whatsapp, mensahe riba Facebook, e-mail y a hasi yamadanan telefonico. Boso muestra di atencion ta di gran sosten pa nos.


Un danki special na e verzorgersnan di Welthuis Buytenhaghe.

Tambe na Aurora Funeral Hom pa cu su bon servicio y atencion.

Alabes ta invita tur famia, amigo y conosirnan pa 3 santo sacrificio di misa cu lo tuma lugar:

Diamars 7 di mei 2024 pa 7or di anochi

Cu nos defunto stima sosega na paz den reino di Señor.



Cu profundo tristeza Gerencia y Personal di Aruba Bank ta anuncia e fayecimento di

Elisabeth (Els) Avontuur

nos ex CEO y Managing Director, ariba dia 2 di mei, 2024.

Els tabata un lider visionario, profesional dedica, mentor, y colega stima cu a contribui grandemente na nos organizacion. Nos lo haña hopi falta di Els y su guia, sabiduria y compromiso cu excelencia. Nos ta convivi cu e dolor di su perdida, y nos ta extende nos profundo condolencia na su casa, Michiel Helfrich, famia di Els y na tur su ser kerinan. Nos pensamiento ta cu nan den e momentonan dificil aki. Els su legado lo sigi guia y inspira nos. Pa extende bo condolencia bishita e siguiente link: <https://everloved.com/life-of/avontuur-els/>

